

En virtude das competencias que me outorga o artigo 21.1 m) e s) da Lei 7/1985, de 2 de abril, Reguladora das Bases de Réxime Local.

Tendo en conta a crise sanitaria provocada polo coronavirus COVID-19 que motivou a necesidade de adopción de medidas excepcionais dende o pasado 15 de marzo, co fin de preservar a seguridade e saúde pública.

Vista a ORDE do 4 de novembro de 2020, da Consellería de Sanidade, pola que se establecen medidas de prevención específicas como consecuencia da evolución da situación epidemiolóxica derivada do COVID-19 na Comunidade Autónoma de Galicia.

Visto o DECRETO 179/2020, do 4 de novembro, do presidente da Xunta de Galicia, polo que se adoptan medidas no territorio da Comunidade Autónoma de Galicia para facer fronte á crise sanitaria, na condición de autoridade competente delegada no marco do estado de alarma declarado polo Real decreto 926/2020, do 25 de outubro, polo que se declara o estado de alarma para conter a propagación de infeccións causadas polo SARS-CoV-2.

Resultando que na referida Orde do 4 de novembro da Consellería de Sanidade se estableceron medidas de restricción que afectan ao Concello de Viveiro, dirixidas ao control do virus atendendo á situación de especial risco derivada de incremento de casos positivos por COVID-19, e que parte destas medidas afectan a servizos municipais, cómpre realizar uha análise dos mesmos co fin de adoptar as medidas que correspondan para a adaptación á referida Orde, así como en aras a garantir a seguridade da veciñanza, tendo en conta a situación epidemiolóxica deste Concello.

RESOLVO

Primeiro.- En cumprimento do disposto no punto 3 do Anexo II da Orde suspéndese toda clase de actividades culturais grupais na biblioteca municipal. A biblioteca municipal permanecerá aberta cun aforo máximo do 50%.

Segundo.- En cumprimento do disposto no punto 4 do Anexo II da Orde o aforo do Teatro Pastor Díaz limitáase ao 50%, cun límite máximo en todo caso de 30 persoas.

Terceiro.- En cumprimento do disposto no punto 5 do anexo III da Orde as instalacións deportivas municipais (campos de fútbol e pavillóns deportivos) permanecerán abertas para a práctica do deporte federado, podendo desenvolverse actividades con público sen superar o aforo máximo do 50% e cun límite de 30 persoas sentadas en espazos pechados e de 75 en espazos abertos.

Cuarto.- En cumprimento do disposto no punto 12 do Anexo II da Orde limitáase o aforo das instalacións municipais para a celebración de congresos, encontros, reunións, conferencias, eventos e actos similares ao 50% do aforo e cun límite máximo de 30 persoas, debendo en todo caso respectarse as distancias de seguridade interpersoal.

Quinto.- En cumprimento do disposto no artigo segundo punto 2 da Resolución prohibese en todos os espazos públicos de titularidade municipal a permanencia de grupos de persoas non conviventes. Esta limitación non será aplicable no caso de actividades laborais, institucionais, empresariais, profesionais, sindicais, de representación de traballadores e administrativas, actividades en centros universitarios, educativos, de formación e ocupacionais, así como no caso de práctica de deporte federado, sempre que se adopten as medidas previstas nos correspondentes protocolos de funcionamento. Esta limitación tampouco impedirá a reunión con persoas non conviventes que se produzan por motivos de asistencia e coidado, incluído o acompañamento a maiores, menores, dependentes ou persoas con discapacidade, ou por causa de forza maior ou situación de necesidade.



Sexto.- Acórdase o peche das instalacións da piscina municipal. Os empregados municipais adscritos aos postos de traballo deste Servizo deberán permanecer operativos e dispoñibles durante a xornada laboral para acudir aos seus postos de traballo no suposto de seren requiridos ante situacións de urxencia ou necesidade inaprazable. A estes efectos os traballadores municipais deberán estar localizables. Os empregados municipais encargados do mantemento da piscina deberán acudir ao seu centro de traballo diariamente, en quendas durante o tempo necesario para realizar as labores de mantemento diarias necesarias.

Sétimo.- Acordar o peche dos centros socioculturais e locais sociais municipais. Os empregados municipais adscritos aos postos de traballo deste Servizo deberán permanecer operativos e dispoñibles durante a xornada laboral para acudir aos seus postos de traballo no suposto de seren requiridos ante situacións de urxencia ou necesidade inaprazable. A estes efectos os traballadores municipais deberán estar localizables.

Oitavo.- Suspender as actividades deportivas, culturais ou calquer outro tipo de evento ou actividade que estivese previsto levar a cabo en instalacións municipais, sen prexuízo das actividades permitidas conforme á presente Resolución, quedando anuladas ou suspendidas, no seu caso, as autorizacións e cesións de uso de locais, instalacións ou espazos municipais con efectos para o período de vixencia desta suspensión. Así mesmo, durante o período de duración das medidas decretadas na Orde e Resolución referidos, non se autorizarán, neste senso, as solicitudes de cesión ou autorización de locais, instalación ou espazos municipais.

Noveno.- Manter o peche dos baños públicos e dos parques infantís municipais. Manter así mesmo a suspensión da totalidade de festas, verbenas e outros eventos populares, así como das atraccións de feiras no termo municipal de Viveiro.

Décimo.- Manter a celebración dos mercados que teñen lugar no Concello de Viveiro coas restricións vixentes na actualidade.

Décimo Primeiro.- Manter o funcionamento dos servizos administrativos municipais nas condicións existentes na actualidade, recomendando en todo caso á cidadanía a solicitude de cita previa, sempre que non se trate de situacións de urxencia, co fin de evitar aglomeracións e minimizar os riscos de contaxio.

Décimo Segundo.- Acórdase a adopción de todas as medidas preventivas establecidas na Orde do 4 de novembro da Consellería de Sanidade, pola que se establecen medidas de prevención específicas como consecuencia da evolución da situación epidemiolóxica derivada do COVID-19 na Comunidade Autónoma de Galicia e no Decreto 179/2020, do 4 de novembro, do presidente da Xunta de Galicia, polo que se adoptan medidas no territorio da Comunidade Autónoma de Galicia para facer fronte á crise sanitaria, na condición de autoridade competente delegada no marco do estado de alarma declarado polo Real decreto 926/2020, do 25 de outubro, polo que se declara o estado de alarma para conter a propagación de infeccións causadas polo SARS-CoV-2.

Décimo Terceiro.- Estas medidas entrarán en vigor a partir das 00.00 horas do día 7 de novembro de 2020 e manterán a súa vixencia ata as 15:00 horas do día 4 de decembro de 2020, en tanto non sexan modificadas pola Autoridade Sanitaria autonómica competente, ou non sexan revisadas por este Concello, en virtude das normas que se diten polas autoridades competentes, atendendo á evolución da situación epidemiolóxica.





En Viveiro á data que consta á marxe.

A Alcaldesa-Presidenta

Asdo.: María Loureiro García.

Ante min, aos efectos do artigo 3.2 do
Real Decreto 128/2018
A Secretaria

Asdo.: María Luz Balsa Rábade.

(Documento asinado dixitalmente á marxe)

